

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNI SUD U ZENICI
Broj: 43 0 K 253205 25 Kž
Zenica, 03.09.2025. godine

U IME FEDERACIJE BOSNE I HERCEGOVINE!

Kantonalni sud u Zenici u vijeću sastavljenom od sudija, Tešnjak Nermina, kao predsjednika vijeća, te sudija Baković Nedžada i Maličbegović Enesa, kao članova vijeća, uz sudjelovanje zapisničarke Smriko Elme, u krivičnom predmetu protiv optuženog S.E.zbog krivičnih djela počinjenih u sticaju i to Neovlaštena proizvodnja i stavljanje u promet opojnih droga iz člana 238. stav 1. KZ F BiH i produženo krivično djelo Nedozvoljeno držanje oružja ili eksplozivnih materija iz člana 371. stav 1. KZ F BiH u vezi sa članom 55. KZ BiH, a sve u vezi sa članom 54. KZ F BiH, odlučujući povodom žalbe branitelja optuženog, advokata Begagić Jasmina iz Zenice od 07.05.2025. godine, izjavljene protiv presude Općinskog suda u Zenici broj 43 0 K 253205 25 K od 21.04.2025. godine, na sjednici vijeća održanoj dana 03.09.2025. godine, donio je

P R E S U D U

Odbija se kao neosnovana žalba branitelja optuženog S.E.i potvrđuje presuda Općinskog suda u Zenici broj 43 0 K 253205 25 K od 21.04.2025. godine.

O b r a z l o ž e n j e

Presudom Općinskog suda u Zenici broj 43 0 K 253205 25 K od 21.04.2025. godine, optuženi S.E. je oglašen krivim da je počinio krivično djelo Neovlaštena proizvodnja i stavljanje u promet opojnih droga“ iz člana 238. stav 1. KZ F BiH i produženo krivično djelo Nedozvoljeno držanje oružja ili eksplozivnih materija iz člana 371. stav 1. KZ F BiH u vezi sa članom 55. KZ BiH, a sve u vezi sa članom 54. KZ F BiH, pa se na osnovu istih članova i propisa i uz primjenu odredbi člana 49. stav 1. KZ F BiH za krivično djelo Neovlaštena proizvodnja i stavljanje u promet opojnih droga iz člana 238. stav 1. KZ F BiH utvrđuje se kazna zatvora u trajanju od 1 (jedne) godine i 4 (četiri) mjeseca, a za produženo krivično djelo Nedozvoljeno držanje oružja ili eksplozivnih materija iz člana 371. stav 1. KZ F BiH utvrđuje se kazna zatvora u trajanju od 3 (tri) mjeseca, te se osuđuje na jedinstvenu kaznu zatvora u trajanju od 1 (jedne) godine i 6 (šest) mjeseci u koju kaznu se uračunava vrijeme provedeno u pritvoru počev od 13.11.2024. godine od 07,35 sati do 03.12.2024. godine

Primjenom člana 202. stav 1. ZKP FBiH, optuženi S.E. se oslobađa obaveze da Sudu naknadi troškove krivičnog postupka.

Istom presudom u skladu sa članom 78. stav 1. KZ FBiH i člana 238. stav 4. KZ FBiH optuženom S.E.u izričena je mjera sigurnosti oduzimanja opojnih droga i to: praškasta nn

materija iz osam pvc pakovanja (trag broj 1A i trag broj 4) ukupne neto mase 123,195 grama, 11 paketića vlažne nn materije bruto mase 48,992 grama (trag broj 6), zatim biljni materijal iz metalne kutijice (trag broj 3), sa dostavljene vage (trag broj 4) i iz pvc vrećice (trag broj 7), ukupne neto mase 11,205 grama koji sadrži psihoaktivnu supstancu tetrahidrokanabiol (THC) koja predstavlja opojnu drogu Cannabis sativa L, te tablete dvije roze i jedna siva (trag broj 4), ukupne neto mase 1.203 grama koje također sadrže psihotropnu supstancu metilendioksimetamfetamin (MDMA), a koje se nalaze deponovane u Tužilaštvu ZDK i naređuje se Komisiji za uništenje opojnih droga, psihotropnih tvari, biljaka iz kojih se može dobiti opojna droga i prekursora pri Vijeću ministara BiH da odmah nakon prijema Naloga za izvršenje mjere sigurnosti a najdalje u roku od mjesec dana preuzme od Kantonalnog tužilaštva u Zenici navedene opojne droge-preostale od vještačenja i iste uništi u skladu sa Pravilnikom o čuvanju i uništenju oduzete opojne droge, psihotropnih tvari, biljaka iz kojih se može dobiti opojna droga i prekursora (Sl. Glasnik BiH br. 28/12).

U skladu sa članom 78. KZ FBiH optuženom S.E.u izrečena je mjera sigurnosti oduzimanja predmeta i to: ručne bombe crne boje oznake ROB CT – 91, kompletirana sa upaljačem za ručnu bombu M 75 i eksplozivom i ručne bombe crno-bijele boje oznake M 93, bez detonatorske kapsule i bez eksplozivnog punjenja, koji predmeti su pohranjeni kod Federalne uprave civilne zaštite Sarajevo i nalaže se Federalnoj upravi civilne zaštite Sarajevo da iste odmah uništi nakon prijema naloga za izvršenje mjere sigurnosti.

Protiv presude žalbu je blagovremeno izjavio branitelj optuženog zbog odluke o krivičnopravnoj sankciji, s prijedlogom da Kantonalni sud u Zenici cijeneći žalbene navode iz žalbe i sve dokaze koji se nalaze u spisu iste uvaži, i preinači prvostepenu presudu na način da će izreći blažu kaznu optuženom. Branitelj ističe da je optuženi odmah priznao djelo da nije osuđivano lice da je rane životne dobi, nezaposlen, lošeg imovnog stanja te da je od samog početka surađivao sa organima gonjenja uz iskazano kajanje svjestan svoje pogreške.

Odgovor na žalbu nije podnesen.

Optuženi i branitelj optuženog, nisu tražili da se obavijeste o sjednici vijeća.

Drugostepeni sud je ispitao pobijanu presudu u onom dijelu u kojem se pobija žalbom, a u skladu sa članom 321. ZKP-a FBiH, pazeći po službenoj dužnosti da li je na štetu optuženog povrijeđen krivični zakon, te je odlučeno kao u izreci iz sljedećih razloga:

Vijeće ovog suda smatra da je prvostepeni sud na ispravan način cijenio sve olakšavajuće i otežavajuće okolnosti prilikom izbora vrste i visine krivične sankcije. Prvostepeni sud je cijenio sve okolnosti koje je u žalbi istakao branitelj optuženog te je vijeće ovog suda mišljenja da je prvostepeni sud s obzirom na težinu krivičnog djela količinu opojne materije koja ja pronađena kod optuženog odmjerio pravilnu krivično pravnu sankciju te isto obrazloženje prvostepenog suda prihvata kao svoje.

Sa iznesenih razloga, odlučeno je kao u izreci presude u smislu odredbe člana 328. ZKP FBiH.

Zapisničarka

Smriko Elma

Predsjednik vijeća

Tešnjak Nermin